


復
郿
吟
稿

景小本居藝軒



52648

刻詩既成綴以小景而說偈曰

賣文三萬言刻詩二百首惜哉倉聖字
使覆人間甌起光緒壬辰訖光緒乙巳
約略說平生十五年中事 我生歷千
劫我相亦千變是相非法相法相無人
見好名是病根言詮非真諦下克己功
夫請自今日始

光緒丙午中夏 軼塵居士



復郿吟稿卷首題詞

包承善 贊市

機雲比年歲班揚儷文藻都京作鼓吹天地窮窅渺豈必繪
山川聊以抒襟抱鏘金試一擲憂憂恒獨造海潮薄蘇韓寒
瘦嗤郊島老師神爲怡鄙人舌欲矯非徒博盛名所貴存大
道美玉至行多良驥絕足早靈椿壽八千香山躋九老朝承
鯉庭訓夕起鳳池草爲國楨榦儲與世粃糠埽開府來故鄉
式旃清芬紹

復郿吟稿卷一自序

歌詠之作發於性情天籟鳴空不能自遏余年齟齬性喜吟
哦叉手立就爲之殊易每笑古人之嘔心年齒益進取讀舊
作覺無可存又笑前時之不學己亥之冬鈔錄舊稿刪繁薙
蕪三分留一及今甲辰瞬閱四載重加削訂全刪十九改削
十五存者僅矣不知再閱十數寒暑與今之視昔將無同耶
嗚呼此中甘苦非親歷者不能知之非知己者不能讀之也
水流自行雲生自起茲編之存殆毋類是

光緒甲辰二月敍於毘陵舟次

復郿吟稿卷一

歸安 張宗儒 翼臣

壬辰秋七月初九日雨後登七子山

雨後登臨氣象開。籃輿深入白雲堆。振衣七子峰頭望萬頃。
煙波到眼來。

八月二十九日舟泊吳江垂虹亭

城郭聳崔巍。停舟對夕暉。長橋人獨立。深樹鳥爭歸。塔影涵
秋水。鐘聲度翠微。孤亭回首處。幾點暮雲飛。

平望曉泊

無數漁舟兩岸屯。煙銷日出見高墩。買魚貰酒尋茅店。攜客



行吟過遠村。殘柳拂波含雨色。寒蒲依渚着霜痕。亭前舊是
銷魂地。爲寫新詩侑綠樽。

癸巳八月十七日舟泊石湖
孤篷夜泊石湖灣兩岸青山翠似環。喚醒煙波鷗夢穩。鐘聲
飛出上方山。

夜泊木瀆舟中聽雨

風雨夜瀟瀟。殘燈倦未挑。青山無限好。入夢亦迢遙。

二十一日遊光福鄧尉山口占

疏紅飛野花。古香發叢桂。小憩夕陽中。松風吹綺袂。

遊盤螭山石壁精舍

絕壁插晴空。平臺夕照中。湖山如此好。多入畫屏風。

二十二日遊靈巖山訪吳宮遺址

峯巒行盡見招提。與客登臨訪故蹊。人去琴臺空有石。煙籠香徑漫留題。暮雲影裏僧歸晚。落葉聲中鳥亂啼。豔色銷沈何處是。靈巖寺畔草萋萋。

二十三日胥江夜泊

楓落大江秋。江干夜泊舟。帆檣校驛浦。笳管咽城樓。篷雨敲新夢。篝鐙話舊遊。雲山還歷歷。多付錦囊收。

至開元寺登無梁殿

傑閣凌空無棟梁。疑傳匠製自天方。欄斑古瓦苔痕碧。寂寞空階草色黃。斷碣奇文捫乾竺。破龕老佛飽風霜。不知廬嶽香爐頂。可有鐘樓撞夕陽。

放翁入蜀記廬山太平興國宮采訪殿前有鐘樓高十許丈累磚所成不用一木而甍桷葦飛鱗木

工之良者
不能加也

結草古剎

生小航禪寂。來遊古寺春。四圍環綠竹。一水隔紅塵。攜屐尋
詞料。逢僧話淨因。平橋叉手立。松子落羅巾。

滄浪亭

留得亭千古。詩魂不可尋。池荷猶繞屋。隄柳自成林。人世有
代謝。溪山無古今。超超蘇子美。肆志謝朝簪。

題畫

一夜北風吹。潮水寒驢冒雪去。尋詩詩人也似梅花瘦。獨立
橋頭冷不知。

夜宿潛修精舍聽雪

翦燭夜清談。園林風聲浩。滿天玉花飛。凍雀誤啼曉。倦臥一
鐙昏夢入山陰。道晨興啓柴扉。雪深松徑小。

丙申正月晦日初到湖州

生長江南地。今來敬梓桑。有山都繞郭。無樹亦成莊。細雨谿
魚上。和風嶺笳香。中原名郡治。端不後蘇杭。

二月初九日遊趙子昂蓮花莊

草色青青柳色黃。玲瓏片石照殘陽。田家不問前朝事。松雪
齋頭遍插桑。

三月十二日舟泊楊莊山步月口占

孤棹宿何處。荒山景物幽。月華流澗底。人影立橋頭。醉語喧
村子。清狂笑我儔。苦無樽酒在。空此一宵遊。

夜居精舍

一磬冷然落茅庵。月色澄庭空。鴉宿樹人靜。鼠窺鐙。談道開微旨。聞香悟上乘。返觀諸念寂。心地淨於僧。

遊南潯某氏園林

煙雨蒼茫風景幽。危亭寂寂枕寒流。緣谿行到水窮處。看盡垂楊見畫樓。
滿樹寒鴉柳萬條。澹煙漠漠雨瀟瀟。長隄行盡短隄接。知在西湖第幾橋。

花朝前一日作

空階涇翠草痕新。細雨連綿最惱人。潑墨雲陰歸向晚。劇寒風力不成春。閒烹清茗尋書味。靜爇旃檀樂性真。欲上綠章

乞紅日。明朝花草鬪精神。

跌坐

竹。磴。雲。深。彎。復。彎。一。聲。孤。鶴。唳。空。山。幽。人。采。藥。歸。來。早。冷。月。梅。花。獨。掩。關。

瘦

祇爲愁多偏似病。每因秋冷輒先知。小窗相對梅花坐。一樣清高瘦不支。

送乙廬返棹

勞勞薪軸又還家。檣燕棲風尾半斜。記取雨中胥口路。小橋東面碧桃花。

航海來祛茂苑塵。泛湖輕看洞庭春。須臾三萬六千頃。暫作

閒雲野鶴身。

連日陰雨偶成

養花天氣。燕來時。漠漠春陰。簾捲遲。小杏欲開。梅欲謝。微風如翦。雨如絲。

初夏即景

捲簾清氣冷於秋。靜對軒窗萬事幽。一陣涼風催雨過。滿庭新綠盡垂頭。

讀論語四首留一

匆匆車馬渡無津。遙揖農夫問水濱。卻歎世間多冷眼。聖賢猶遇耦耕人。

高臥北窗下

高臥北窗下。悠然太古情。身閒知日永。心定覺風生。夢與古人會。時聞山鳥鳴。偶然曳履出。抱甕灌園菁。

訪勤息庵

悠然無俗事。古刹偶相尋。一徑入寒翠。前溪多綠陰。鐘聲傳竹院。人影過花林。剝啄敲門久。簷端答語禽。

八月二十八夜夢作詩得新詩一聯醒續成之

小山叢桂舞婆娑。風送幽香覺太和。一點殘鐙人影瘦。滿天涼月雁聲過。新詩多自閒中得。妙境方知靜裏多。閒倚紗櫺讀秋水。不知參斗夜如何。

厭聞囂聲作此遣悶

茅屋蕭疏三兩間。此身祇合住深山。野花亂發鳥都寂。流水

無聲人自閒。雪後尋梅過谷口。雨中劬藥入煙鬟。道心培養
終就靜。那得塵囂一例刪。

感事四首

搔首發長歎。臨風感不禁。有懷天下事。獨抱古人心。欲上賈
生策。徒爲梁父吟。草廬閒抱膝。詠罷淚沾襟。
道統陵夷甚。斯文歎久湮。千秋遺墜緒。一脈孰傳薪。造岸難
登極。尋源莫問津。孤鐙風雨夜。獨與聖賢親。
蒿目中原局。誰堪濟世艱。長譟彈劍鋏。獨立撫刀鋌。薄海蠻
夷猾。邊城寇盜頑。何時投筆去。一出奠河山。
荒草誰家塚。纍纍古道旁。綠楊邱隴地。紅粉管絃場。朽骨宵
聞哭。陰燐晦有芒。可憐鋤掘慘。含恨徧蒿邱。

登七子山遠眺

獨立衆山巔。登臨百慮捐。晚蟬鳴亂樹。歸鳥破青煙。浩浩天風撼。茫茫湖水連。舊遊陳迹在。頽仰意淒然。

看月

秋宵月色白無邊。獨立空庭我欲仙。萬里清光同不夜。一輪皓魄正中天。幻形祇自分弦望。本體何曾見缺圓。冰鏡團圞明普照。山河大地影虛懸。

秋懷六首

一夜西風萬感來。紛紛黃葉下蘇臺。夕陽楓岸鴉啼冷。淡月蘆汀雁叫哀。四海烽塵空睥睨。一龕燈火獨敲推。相如年少題橋柱。懷抱何時得好開。

杜句

黃沙白草野茫茫。萬里城邊戰骨荒。胡馬夜嘶秦塞月。征鷹
秋飽漢陵霜。嵯峨拔地雄關聳。迢遞連天帶水長。虎帳健兒
鼾睡足。將軍誰復整邊防。

龍蟠虎踞帝王州。何日重臨白下遊。千古江潮衝鐵甕。六朝
城堞輦金甌。南豐燧撥紅巾亂。北固煙橫翠黛浮。寄語中山
劉越石。宜從未雨著綢繆。

吳宮禾黍歎離離。太息荒涼景物淒。西子樓臺無鹿走。南唐
亭榭任烏棲。井梧搖落增秋感。庭草蘼蕪問故蹊。何日扁舟
重弔古。靈巖山畔舊留題。

蕭蕭蘆荻戰秋風。一夜鄉心到浙中。蟹簍曉橫蘋渚白。魚鉾
寒映蓼汀紅。尋碑墨妙披蒼蘚。策馬窪尊看赭楓。黃菊紫螯

新釀熟。好持杯酒酌坡翁。
木落霜高天氣哀。中原頻聽警書來。猴冠莫獻平戎策。豹帳誰稱大將才。有志祖生空擊楫。傷時杜老獨登臺。梧州伏莽今猶熾。願爲君王殺賊回。

落葉四首留二

憶昔陰濃聽囀鶯。春華轉瞬又秋清。哀蟬帶雨飛無力。宿鳥驚寒互有聲。宋玉不勝搖落感。武皇頓觸別離情。幽人獨處空山裏。怕聽山樵着屐行。
隔院聲聲和柝鈴。西風搖落短長亭。秋高遠渚隨波泛。月冷空山閉戶聽。埽徑欣看童足健。敲門頻訝客車停。高堂初釀黃花酒。爲獻靈椿享大齡。

冬柳四首用漁洋山人秋柳韻

一四

飄飄風雪斷吟魂。何日春風度玉門。憶昔眼舒青有態。祇今眉鎖翠無痕。數叢霧縠迷前岸。萬點寒鴉簇遠村。休說瘦腰猶善舞。徐孺風致不堪論。

紅樹空山盡染霜。何堪蕭瑟照橫塘。寒姿搖曳臨冰鏡。弱質依稀傍玉箱。松老猶能貞晚節。梅寒偏自傲花王。當時桃李同爭豔。一樣凋零碎錦坊。

玉樹歌殘金縷衣。一番情景是耶非。隋隄底事春歸晚。漢苑頻看秋後稀。霜葉早隨楓葉落。雪花猶作絮花飛。菀枯榮瘁分今昔。張緒當年故態違。

蕉萃經霜總可憐。霏霏萬縷簇寒煙。白門依舊條垂綫。紅板

當時絮。糝。棉。畫。裏。關。山。皆。暮。景。曲。中。風。雪。度。殘。年。回。頭。占。得。
春。陽。早。及。第。衣。披。太。液。邊。

詠雪四首

轉。眼。東。風。又。北。風。飄。飄。吹。雪。下。長。空。尋。梅。客。去。應。迷。徑。把。釣。
人。歸。欲。壓。篷。曉。望。荒。村。千。樹。白。夜。吟。老。屋。一。鐙。紅。村。居。野。老。
寒。無。事。攜。屐。提。壺。醉。市。中。
千。門。萬。戶。闔。重。重。紫。禁。宵。寒。雪。意。濃。天。上。玉。龍。壘。午。夜。階。前。
鐵。馬。撼。丁。冬。瓊。葩。皜。皜。飛。宮。樹。仙。漏。沈。沈。閣。曉。鐘。報。到。金。吾。
上。封。事。六。花。應。瑞。足。三。農。
疏。疏。密。密。綴。窗。紗。雪。滿。空。山。處。士。家。夜。靜。開。門。疑。有。月。春。歸。
無。處。不。飛。花。爲。山。童。子。如。團。米。停。繡。閨。人。詠。撒。沙。試。向。圍。鑪。

呵凍硯。拈毫猶畫一枝斜。

茫茫沙漠絕人煙。大雪漫漫沒及肩。冰合桑乾軍不渡。路迷戈壁馬難前。思鄉征士鬚膠。淚射獵胡兒。弩解弦風掣紅旗。毘幕重角樓凝望白無邊。

不寐

不寐百端集。宵深夢未成。小窗風雪夜。默數短長更。

已亥春日讀彭剛直詩集書後

擅得生花筆一枝。彭公雅量冠當時。馳驅鐵馬金戈裏。從古英雄不廢詩。

衡嶽難歸卸虎符。誅茅小築隱西湖。梅花一幅詩千首。爭席名山處士逋。

二月二十三日同包隨安承善姪傳鴻遊天平山
春雲駢宕春風輕。相約肩輿度嶺行。青麥滿畦水新活。碧桃
千樹燒餘明。亂峯深處塔孤聳。崖石斷分泉急鳴。我識山靈
久騰笑。五年前已訂詩盟。

二十七日同隨安乙屢棹泛吳興舟中限春水船三韻
分得春字

蝶舞。菜花落。鶯移柳色新。煙波一舸。月重訪故園春。

附錄同作

包承善

三人容一舟。沿淼煙波水。讀書無古今。看山時偃起。陶陶
悅情話。須臾閱城市。春禽學飛鳴。春花媚紅紫。鄰艫艤如
梭。梵音落篷底。富貴安足求。人生行樂耳。一笑逐鷗夷。若

耶權西子明日歸去來湖山亦有美

傳鴻

我從平江來。席茲書畫船。遙望鶯脰湖。高歌凌飛仙。旁人駭如鹿。問客何爲然。三人相視笑。白雲遙在天。

三月八日宿雨微晴。包隨安迪先兩姪。埒同邀遊金蓋山舟中。飲酒半醒。薄午登古梅花觀。歸過宋儒衛正節墓。因成二律。即屬同遊諸君和。

白雲何處問仙巢。一路松篁溼翠交。溜激紅泉穿徑曲。霞橫匹練挂林梢。山花一院春常鎖。野竹半窗風自敲。采藥不須遊五嶽。好脩丹竈此誅茅。

踏破芒鞋雨後天。道人留客酌清泉。心無塵累不爲俗。身入

雲山便是仙。翠嶂俯樓森。玉削蒼巖飛瀑瀉。珠圓孤亭獨立。
一回首。劃斷碧空搖暮煙。

春寒四首

朝衣春入未央宮。報曉寒生玉漏中。天仗排開清挹露。御鑪
香滿倦留風。千門柳色清常鎖。三殿花光翠未融。怪底鶯歌
不聞囀。豔陽一曲衆仙同。

春朝

小小樓臺故故涼。漫從大塊假文章。棲梁燕小初調舌。滿樹
花遲未透香。翠幕凝寒揮舞袖。雲屏送暖醉飛觴。請看金谷
園中月。猶照春潭水似霜。

春園

勞勞蹤跡徧天涯。驛路清明草色斜。三月風沙悲作客。萬重
雲樹夢還家。征衣曉試思添絮。野館春濃未見花。新綠不曾

上楊柳。寒條亦自送征車。

春驛

郊原平列遠山眉。一片寒光入望奇。日冷鐘聲雲外溼。風高帆影鏡中移。春駒曬粉飛無力。宿鷺聯拳瘦不支。舊約幾回思蠟屐。總教豪興負瓊卮。

春郊

病暑偶成四首留二

百年等是駒過隙。况復流光病裏過。出戶交愁名士少。披書時見古人多。消煩薇露清常挹。拈句松煙久廢磨。藥竈茶鐺無箇事。丹鉛手自校維摩。

埽地焚香清晝長。藤牀夢覺傲羲皇。心無機事非禪定。日有餘閒學坐忘。欲見湖山時讀畫。愁拋花月不飛觴。徘徊樹下看鳴鳥。已聽鄰鐘打夕陽。

雨後登穹窿山

我年十四五。腳踏名山紛無數。今年忽十九。登山欲向天搔首。去城百里無高山。惟有穹窿尚可攀。彼蒼滂沱降霖雨。笛聲叫破開愁顏。誰知奇興與世異。卻謂宜雨不宜霽。雖然既雨晴亦佳。煙嵐出沒光開閉。夕陽紅照半山阿。樓臺金碧輝。峩峩白光萬丈瀉。飛瀑恍如玉宇亘。銀河餘霞成綺雜。晴靄繽紛似與遊。仙會如舞如臥如翔。翔如揖如騎如傾。蓋千山萬山盡入雲。奇峯不見撐天平。回首五湖三萬頃。不覺支礪。七子盡於韞底相。過行振衣狂嘯據危嶺。一聲孤鶴空山靜。秋高月色白如霜。俄聞玉佩戛明璫。仙人縹緲雲輶下。我以俗骨參翱翔。翔沍我紫瓊漿。飲我蟠桃酒。手擊如意爲我歌。聽

我。長。歌。祝。君。壽。祝。君。衣。染。蓬。壺。柳。祝。君。劍。掃。陰。山。寇。靈。旗。飄。
拂。天。上。來。天。爲。斯。民。降。列。宿。清。芬。宜。紹。赤。松。遊。留。取。勲。名。垂。
世。宙。

中秋前夕夜雨感懷

戢。影。閉。門。坐。孤。鐙。落。碎。花。葉。聲。敲。雨。急。簾。影。颭。風。斜。往。事。如。
雲。去。愁。懷。入。夜。賒。西。窗。聊。破。寂。松。火。煮。名。茶。

爲甥珊綬題扇

萬。頃。煙。波。裏。秋。光。入。望。賒。碧。湖。晴。放。鴨。紅。樹。晚。藏。鴉。髡。柳。露。
微。月。霜。楓。映。落。霞。詩。心。何。處。寄。知。在。水。之。涯。

十月十四日順風過太湖蓬窗口占

天。水。空。無。際。悠。悠。一。棹。過。帆。斜。風。力。猛。舵。轉。浪。聲。多。白。雪。雙。

飛鷺。青山數點螺。一輪初觀證。夕照落澄波。初觀無量壽經

泊。圯。尺。鎖。中。夜。北。風。大。作。寒。意。逼。人。剪。燭。擁。衾。援。筆。成。句。

一。夕。荒。郊。此。泊。舟。風。聲。寒。勁。水。聲。遒。忽。數。夜。半。村。雞。唱。喚。醒。
江。邊。祖。豫。州。戍。鼓。鑿。鑿。曉。角。哀。吳。江。夜。雨。打。篷。來。聞。風。慣。有。淩。霄。志。知。是。
燕。王。不。世。才。夢。回。人。唱。大。風。歌。滄。海。橫。流。未。息。波。猛。士。韓。彭。猶。薤。醢。漢。王。
詎。比。項。王。多。軒。然。風。起。渡。船。危。底。事。伊。川。色。自。怡。學。得。恭。安。原。不。易。無。心。
何。似。敬。心。持。

疏鐘寒柝迭相催。剪燭將誰共引杯。深巷吠聲空似豹。卻教何處往尋裴。

孤蓬風雨一鐙青。聞道荒祠久廢扃。應有詩魂來入夢。一編奇賞曝書亭。

二十二日肩輿上靈巖山

舟繞橫塘過寒山。莽萬重凍雲封古塔。微雨滯疏鐘隔水。乍驚雉穿田儘見龍。霸圖餘氣在高矗。玉芙蓉。

連朝大雪戲擬放翁作

角弓夜鳴北風吼。門外雪花大如斗。將軍醉臥寶釵樓。美人彈箏勸進酒。忽然夜半天使臨。持符趣使趨敵軍。披衣躍上紫韁馬。斬關拔砦如風雲。雪中馳奔三百里。虎賁將士凍欲

死敵帳。俄傳號令聲。矍矍王師奄至此。若崩厥角獻渠魁。錯
疑將軍天上來。涼公手梟吳元濟。武襄奪得崑崙回。天子賜
宴麒麟臺。玉女侍執流霞杯。登壇腰佩封侯印。萬夫辟易聲
如雷。竭來放獵蒼山谷。翠冠貂裘挾金鏃。積雪陰崖負虎歸。
鬪體作枕皮。作蓐朱顏未改入。山中騎驢湖上眞。英雄訪友
夜放剡溪棹。尋梅曉挈孤山翁。人生會當立奇節。英雄名士
皆人傑。舉酒高歌醉不眠。瓦屋丁冬坐聽雪。

復鄮吟稿卷二自序

弱冠以前受書家塾春秋祭埽往來吳越間雖曾登吳山泛太湖而行不出二三百里外未嘗見天下之大也年二十航海遊京師瞻仰宮闕交遊士夫鐘鼓冠裳得覩承平之盛居無何拳匪亂起居無見糧倉皇莽走出保定河間經燕趙齊魯之郊繞泰山濟黃河涉淮渡長江船唇馬首出入烽火者數十日偶有所作灑然若有得於江山之助也昔太史公行年二十北濟汶泗南游江淮吾此行所至其庶幾矣然生居今日廻繞地軸計月可極則此區區所經歷又何足云拂衣出門猝造國難南回事親慘遭大故追懷往日戚然涕零所以存此一編者正係吾感慨於無窮已

復鄮吟稿卷二題辭

奉送翼臣世大兄北上

俞樾曲園

吾黨年家子英年負異姿已登新仕版能作古文詞衡論蘇明允罪言杜牧之搖鞭從此去聲望滿京師

聞復叔北轍已還書以誌喜

傅鴻威如

風馬雲車萬里身又聞安轡到春申早知熱血都回薄定有奇文得斬新愴憤山河成險阻提攜書劍長精神祇今笑看趨庭日日永壺天笑語親

奉題北游草二首

冒廣生鶴亭

百年海水東流去匹馬秋風北地歸莫怪憂時杜陵叟一回展卷一沾衣

沈沈大地衆陰霾
颯颯西南驟雨來
金雀夢遙猶想像
銅駝眼見已蒿萊
桐山雛鳳聲何苦
桑海瘡龍口重開
少壯春華同努力
安危終仗出羣材

又

衛恩祥
端生

新詩雜誦結知音
忠孝天生見素心
待展壯猷儲國器
仰承家學冠儒林
文通重譯臻精詣
身歷諸艱託苦吟
旋轉乾坤君努力
匡時偉略繼彭岑

又

李思棣
華樓

華筵今日爲君開
一笑相逢舊雨回
把盞未堪銷別恨
傾囊喜得誦新裁
身從戎馬關山後
氣挾波濤風雨來
愧我一官匏繫久
朝朝吟對越山隈

復郿吟稿卷二

歸安 張宗儒 翼臣

庚子二月二十四日大沽口外輪船中口占

樓船破浪捷奔輪。暫作閒雲野鶴身。吾道不行宜入海。斯人欲渡苦無津。扶搖鵬路三千里。荏苒駒光百五春。勤爾尺波功自勉。豈堪枉作灌園人。

鮑照還都口號勉哉河濟客勤爾尺波功

三月初六日清明節用古成三絕句留二

清明無客不思家。北地春寒未見花。遙憶故園桃柳好。珊瑚枝映玉了叉。
棒檄長征客路賒。清明無客不思家。旅窗兀坐挑紅豆。相對青檠夜夜花。

夜坐雙槐精舍聞鐘聲

雲水三千里。飄然世外心。清聞遠磬吟。苦別孤鐙面。壁塵機息垂。簾夜氣凝隔林聲。未盡落月照枯藤。

五月十日陶然亭餞別戴青來觀察

兆春

滾滾紅塵十丈餘。何來清絕水雲居。蘆中張蓋如過艇。柳外開門看釣魚。白也詩情臨酒發。翠微山色入簾虛。江亭小集瀛洲侶。一曲絃歌送錦車。

十九日出京通州道中口占

輕裘肥馬詣神京。又作倉皇避寇行。九陛聲聞風鶴近。三霄光見夜狼明。異軍突見黃巾起。大厦疇堪赤手擎。幾輩賢如張叔夜。憑城拭目視神兵。

二十二日泊丁字沽天津道梗礮聲震天感賦
戎馬倉皇走子身。無端大地動煙塵。攀龍未翹青雲志。趨鯉
難忘白髮親。十萬軍聲屯潞水。三千里路下春申。中宵四顧
彌天赤。獨立樓船淚滿巾。

保定蓮池書院紀遊

攬轡風塵感不禁。聊從泉石恣幽尋。金臺日近懷君國。玉
壘雲浮黯古今。四望山河開淚眼。一庭荷竹寄鄉心。爲余多
謝吳興守。能作煙波漁父吟。

六月三日車行河間府道中口占

一碧盡長楊。危城露女牆。斷橋湖水濶。古道野田荒。不死給
秦帝。多文美獻王。求仙與好士。終古兩茫茫。

夜宿富莊驛旅店題壁

不堪提劍歷崎嶇。客裏驚心聽鼓桴。破壁燈昏捫蠅。蠹空階。
塵起鬬。颺。颺。黃。薺。味。淡。征。夫。怨。白。草。途。荒。我。馬。瘡。一。片。雞。聲。
關塞月。脂車驛路更前驅。

初七日過崑山沙石輪行六種震動

四圍峭壁鎖烟蘿。百轉人從鳥道過。亂石礧礧相軋處。最難
推。轂。陟。坡。陀。

初八日泰安山中遇雨

大麓風雷起。尋途出泰安。黑雲千樹合。白雨萬山寒。車馬聲
騰沸。神龍影攫蟠。有人憑軾坐。塵海極奇觀。

十五日順合集投店未得車中望月

勞勞冀北又江南。溽暑宵征未解驂。遙憶故園明月好。晚涼多倚玉欄干。

二十日過露筋祠

二女貞魂在。千秋仰寶坊。斷碑蒼蘚冷。野水白蓮香。旅夢絕蚊市。郵程止客裝。神來雲旆旆。翠羽曼明璫。

二十二日過江抵京口

揚帆一葉棹空靈。風靜無波水不腥。江氣曉橫潮退白。山光寒鎖雨餘青。枕戈敵愾人思奮。擊楫悲歌我獨醒。縱有千年天塹在。莫辭海外戰雲停。

七月朔還家

歷盡征途險。踉蹌始息肩。千金無骨相。一騎脫烽煙。出岫隨

雲去。還家看月圓。高堂開笑口。相慰復相憐。

秋雨感懷四首

聽斷蕭蕭雨。秋天不肯晴。影看孤鏡瘦。心映短燈明。鴻雁已南度。鯉鵬未舉鳴。不堪笳鼓響。嗚咽夢魂驚。念彼天涯客。懷歸思入雲。江河魚失水。霄漢雁離羣。舊雨無端聚。時同鄉官均過此秋風不可聞。銀河今倒瀉。一洗淨兵氛。

太白星如斗。天心悔禍慳。空拳憑買勇。滋蔓總難刪。狼蹙王師困。鷗張寇盜頑。唐家留郭李。收復舊河山。玉帛求無厭。倉皇走馬時。中原留禹跡。終古屬周姬。帝業成京鎬。人心嚮邑岐。不看遷避狄。還肇發祥基。

中秋後五日二十初度述懷四首

彈指光陰二十年。得離虎口信由天。身經海嶽窮千里。手聚圖書已萬編。風鶴驚心新羽檄。雪鴻回首舊吟鞭。不圖琴劍飄零後。來向家山看月圓。

曾記當年謁泮池。春風欣慰倚閭思。那知織女渡河會。痛是慈親證佛期。

先妣倪夫人丙申七夕棄養自知時至端坐念佛而逝

生我劬勞誠莫報。逢天憫

怒況難知。焚香惟祝靈椿壽。歲歲蟠桃酒一卮。

汲古生憐綆易窮。那堪歲月去匆匆。頗思振起湖州學。敢受譏嘲吳下蒙。萬里相期風在下。百年最愛日方中。家傳勵志詩篇在。願策駑駘十駕功。

好春催客謁神京。年少深慚漢賈生。要爲白頭營祿養。未期青眼到公卿。回輪偏藉罡風力。撰杖聊申愛日情。始信遠遊

非上計。切身先盼海波平。

附錄和作

傳鴻 咸如

從古生才有數存。况兼賢哲大吾門。鯤鵬海運培風厚。嵩
嶽神靈稟地尊。陶令弱齡通外事。史遷遊迹遍中原。兩年
前已知名早。燒美淵雲譽曲園。戊戌季冬公行婚禮曲園先生贈聯曰弱冠之年淵雲比美嘉平既望人

月同圓一時
傳爲佳話云

兩歲見公來白下。已傳天慧識之無。著書辭富情多厚。看
劍心雄氣不羸。晦矣科名淪井鬼。粹然德行守程朱。我雖
頑鈍亦猶子。敢撫浮文獻壽圖。

秋曉偶成

風動銀鉤夜。將曉曉色熹。微上林杪雞聲喔。喔犬聲雄驚起。

一林露宿鳥孤鐙欲燼仍開花。城頭鳴咽吹胡笳。披衣欲起猶瑟縮。畏寒撲被蒙周遮。跌跏結坐守平旦。翕然清氣來身畔。靜垂簾幙內含暉。鑪鼎溫溫火方半。嗟嗟鳥免西復東。自強不息爭其功。君不見銅壺機輪無間斷。有如道體旋轉終無窮。

烏戍密印寺爲梁昭明太子讀書處昨過其地初不知也
歸閱厲樊榭集見其烏戍訪古絕句中有密印寺二首既過其處補作二律

昔爲帝子宅。今作梵王宮。訪古碑難認。尋詩句未工。門無僧叩月。座有佛臨風。憑弔驚秋晚。寒鴉夕照中。曾倚廣陵棹。未登文選樓。又爲孤戍客。好訪六朝秋。武帝身

空捨。昭明蹟尙留。書聲與梵唄。化作草蟲謳。

讀厲太鴻樊榭山房集竟書後二首

懿矣鄉先達。長留一卷詩。填成新樂府。兼善古文辭。四庫傳書目。三朝習史遺。詞壇開浙派。風雅令人思。昭代風騷手。空山嘯傲身。千秋幾徵士。兩浙數詩人。遺響傳天地。高歌助鬼神。六橋煙柳外。猶許夢音塵。

十月二十四日回湖州

孟冬寒氣冽。襖被又還鄉。大地嚴凝轉。吾人奔走忙。竭來離亂後。道故語言長。怕與談京洛。惟堪說梓桑。

同隱樓夜談觀天狼星甚明

簷鈴慣作戰場聲。抵掌寒宵話不平。共倚樓頭凝望久。參垣。

東。現。一。星。明。

連日詣楊莊。思溪紫荊橋埽墓舟中口占。

風雨得春意。扁舟來往中。山枯峰削鐵。水濶鏡磨銅。不見元真子。徒懷黃石公。攬衣方有感。霜葉落寒楓。

丁子襄農部。乃。自京旋里。即由吳入秦。送別感賦。

之子意何濶。而爲萬里行。回輪初脫險。揮劍又長征。遠志愧安石。先鞭讓祖生。燕雲與秦月。悵望不勝情。天步艱難日。男兒慷慨秋。關山雙淚冷。風雪一肩迢。綠鬢顏猶昔。緇塵迹尙留。乾坤誰旋轉。分任聖人憂。

平望道中逆風大作。停櫂飲酒有賦。

東風激水浪濺濺。孤舟欲前不得前。榜人負緯復蹶顛。使我

四顧心憂煎。挈餅解囊數青錢。停橈指向溪橋邊。爲我貰酒烹村鮮。拚將一醉意陶然。人生有酒須盡樂。古來飲者多名賢。會今時事同戰國。強秦悍楚兵旣連。六街無塵鐵騎滿。黑雲漫漫蔽幽燕。幾有名將如頗牧。不見策士起駢肩。夜狼太白光燭天。長城萬里愁烽煙。我欲誓志著祖鞭。又恐關山路幾千。嚴冬風雪阻秦川。不如躬耕南陽田。琴書一棹看林泉。彈冠好俟承平年。重向長安市上眠。任彼兒童呼謫仙。

有感

擊楫高歌氣不平。慨然有志在澄清。莽蒼大地悲沈陸。寂歷空山寄我生。欲斬窮愁頻看劍。難籌方略敢談兵。綠窗紅燭觀青史。拍案頻持大白傾。

復郿吟稿卷三卷四自序

庚子歲暮居憂壘廬焚棄筆硯頻年以來出入蘇滬之學校以求所謂今之學者然年逾弱冠心煩事紛每不克竟學又屢出遊其間東至日本攬三神山之奇勝南遊廣州探虎門九龍之形勢泛舟白下謁孝陵弔明故宮想見朱明開國之盛策馬雨花臺落帆燕子磯我中興將帥若或遇之至湖上弔岳武穆墓過左彭之祠秋風怒號思禦侮之無人未嘗不望古遙集悄然而悲焉夫人獨居深處風雨之朝花月之夕冥心孤往尙有不能已於言者況乎極山川之瑰奇通古今之事變以及君子美人之離合聚散憂樂所感則其爲言也豈有涯乎故雖非有意爲之而其來也汨汨有不期然而然

者矣昔嘗從桐城蕭先生穆學作古文先生教以多讀又曾叩祥符周先生星詒以作詩之道亦教以多讀古詩嗚呼居今之世所當學者至不一矣而欲窮年矻矻與周秦漢唐人遊不亦迂乎然無根之木不實之華迺漸可存實背馳耳吾今雖不克肆力於此然又安得不以二先生之言自勉與因輯壬癸以來所作爲卷三卷四

復郿吟稿卷三

歸安 張宗儒 翼臣

北寺訪成蓮上人不值登報恩塔三首

不到報恩寺。而今又幾年。竭來一憑眺。四顧意茫然。斷鴈去

無極。

懷衛臣兄

荒鵬飛在天。俯看衆象小。萬井簇人煙。

百丈浮圖聳。褰裳試獨登。天風吹不落。雲我快同升。誤矣途

中畫。翻然氣轉興。垂頭佛不語。應笑阻高層。

冶遊刪結習。獨立叩禪扉。行腳同雲水。空林黯夕暉。塔開多

寶現。

見法華經

溪阻遠公歸。已上最高頂。天花幾著衣。

俞曲園年丈年八十二陳辰田世丈年八十一周季貺

姻丈年七十三人合年二百三十三歲余年未及十之一也得從諸長者後各頌一律以誌幸

春在堂前坐。和風藹被人。九重褒寫作。萬里拜風神。日韓文學無不慕重

科第無前輩。叢書著等身。文衡欣繼起。桃李滿洮岷。曲園先生

泮水遊遨日。青廬交拜年。天重周甲子。人望若神仙。去歲爲先生八旬壽

辰又重遊泮水重宴花燭年也將略危城倚。粵寇陷杭城將軍瑞昌堂皇殉節先生在其幕賊入不敢加害書名薄海傳。登

臨休杖。健步到山前。辰田先生

休說窮無告。先生無子自言三無告斯真德有鄰。杖履一到名士盡集吳山娛晚景。閩海

記前塵。史學胸羅庫。騷壇手斲輪。縱談今古事。四座盡生春。

季貺先生

余之吟藁素不示人莫伯衡永貞攜質之吳昌碩先生昌

公大加許可口占五律以謝之

吟成抒我性。本不在人知。聊聊短章耳。逢君倘見之。湖山留別感。花月費新詞。幸有青萍賞。還堪慰苦思。

初到蘇州高等學堂肄業四首

闢地開華廈。斯堂儼萬椽。人文羅秀傑。山水占清妍。廡近三千子。祠鄰五百賢。不才樗櫟感。甘自讓人前。

舊治懷先德。煙雲過眼陳。節麾談往事。俎豆在斯民。先伯曾祖
蘭溪公三

撫吳中現祀
五百賢祠

遺像春蔬薦。荒祠秋草湮。先樞密公專祠在道山亭
東今荒蕪難覓故址矣滄浪橋

畔立。何以步前塵。

記謁神京去。遊遨大學堂。樹迷宸苑綠。門對景山蒼。精衛填滄海。謂許竹貧尙書
劉葆真太史銅駝怨夕陽。歸鞍戎馬裏。回首倍神傷。

無裨。艱難局還留。坐嘯歌西來。入風氣東去。慨江河舊業從頭理。新知積日多。蕭齋勤課誦。聊以補蹉跎。

接莫伯衡書口占二律覆之

時在里門

久作離鄉客。霜天一棹還。美人隔秋水。高隱在深山。夜雨添愁緒。春風別笑顏。緇塵衣未浣。敢敏白雲關。寒山千萬疊。青鳥一書來。招我入雲去。爲君笑口開。南陽廬未謁。剡水棹偏回。歸治蓬茅舍。相邀醉酒杯。

李蘋香校書嘉興人工詩善畫三吳名士咸傾蓋爲文字交友人自海上來者抄其天韻閣集見示以未見其人爲憾未幾落籍去李故黃姓安徽原籍說者謂爲左田尙書之後云

青樓有女年十七。娥娥紅粉當戶側。慣彈琵琶善詠歌。名重
騷壇色傾國。兒家舊住鴛湖濱。溷入教坊來滬北。煙花小劫
墮人間。應是天妓降兜率。春風飄落絮沾泥。夜雨陸離花夢
筆。爭傳黃絹幼婦詞。脫口成章燭催刻。花裏閉門靜不喧。揮
灑濤箋風雨疾。三吳名士盡傾心。十里秦樓都減色。太原公
子海上來。手鈔新詠成綳帙。蠅頭小楷數十行。清詞麗句行
行密。奇才甯馨世無雙。兼擅晉書與唐律。並能作草書薛家素素何
足云。顧氏娟娟罕與匹。皆嘉興妓見明詩選我來歇浦幾停裝。路口桃花
不相識。坡老無言贈李琦。琦黃州妓見清波雜誌悠悠我心恨。奚極江峯裊
裊有餘音。雲漢迢迢無消息。美人一去不復回。綠水江蓮空
對憶。

滬江歸蘇破曉騎驢入胥門童子背負行李有如畫圖
中人物也口占一首

囊琴匣劍付童子。獨跨疲驢得得行。若遇昌黎呼殿過。下車
應拜賈先生。

癸卯閏月十八日初到長崎

初到長崎島。郵亭一縱觀。已成新世界。猶見古衣冠。席地評
清茗。看山倚畫欄。征車更前發。風雨滿林巒。

送別馬君武獨宿旅店書感

漁笛一聲驚蒼茫。萬里行天涯。彈別淚。孤客動離情。異俗音
難辨。歸心夢不成。推窗揮扇立。銀漢數星明。

西京名勝最多余一日遊之幾徧惜走馬看花未能盡

興也

名勝偏多在洛陽。一朝踏遍太倉皇。更無暇處尋佳句。兩負青山古錦囊。

日本歸舟偶成

卻笑此身如野鶴。翱翔滄海復歸來。東觀旭日騰方起。西望河流去不回。發憤一朝聊自慰。輸人萬事總堪哀。危機不信風濤惡。猶坐湖樓醉玉杯。

將之武林杭伯鈞

錫綸

餞別虎邱舵船獨步登山感賦

十年不到虎邱寺。昨歲今朝一再來。癸巳登虎邱至去秋始重遊屈指十年也綠酒留人戀歌舞。白雲招我共徘徊。俯看山色青依舊。轉念童時去不回。頑石池邊蓮五葉。無言獨上說經臺。

秋日武林道中

衝波一櫂去。四望水天寬。風日正清朗。江湖何渺漫。故山如此好。佳句得來難。願向西溪上。青錢買釣灘。

開西溪山水尤幽秀

湖上偶成

散髮弄扁舟。朝朝湖上游。柳隄殘月曉。荷港晚風秋。弔古捫幽碣。高歌倚畫樓。早知驢背好。應悔覓封侯。

入雲棲山口占

我愛雲棲山。萬壑森叢綠。綠陰互縱橫。行行入深谷。恍如魚在水。荇藻交掩覆。行盡竹中山。乃見禪林屋。雙楓大百圍。孤亭枕幽瀑。不見蓮池師。遙遙空瞻矚。

登文瀾閣

偉矣文瀾閣。森然四庫儲。湖山環傑構。風雨護藏書。時局衰難競。斯文在亦虛。鳳兮今不至。悲感更何如。

飛來峰下坐壑雷亭觀瀑

萬壑雷聲起一峯。天外飛幽人興孤。往對此欲忘機。清磬傳空谷。莊嚴拜翠微。巖腰千百轉。奇境世間稀。

由靈隱至韜光觀海

曾經滄海者此地。一登臨。雲氣窮虛白。山光障綠陰。高峰猶可仰。北高峰。仙子渺難尋。寺祀呂祖。歸路入深翠。風泉響古琴。

登吳山謁阮公祠獨坐擘經室中作

聖代篤生兩文達。治功合讓阮公賢。我將投筆從戎馬。恨不擘經再十年。

孤山放鶴亭憑眺

亭空人去也。何處訪林逋。崖老落梅子。雲深覓鶴雛。忠魂悲少尉。國朝林與史香塚弔貞姑。明馮小青共保歲寒志。孤山今不孤。

三潭印月

亞字闌干已字亭。雖由人巧亦天靈。三潭月印湖心白。萬壑雲環山色青。橫亘有橋都曲折。嵌空無石不瓏玲。問誰占得明湖勝。收入彭郎一畫屏。

秋夜宿龍興寺看月

天邊明月近圓時。冷照禪窗動客思。風撼塔鈴聲斷續。星搖佛火影迷離。鮑公故宅捨猶在。坡老扁舟泛最宜。難得明湖過佳節。不須還寢夢佳期。

裝已發將歸吳門復乘肩輿獨遊淨慈虎跑諸勝

侵曉長空霧滿天。溟濛山水望相連。紅荷碧藕湖邊路。聽徹
漁人唱采蓮。
琴書待發欲歸吳。手挹奚囊興不孤。卻好偷閒看山去。南屏
峰頂瞰西湖。
門前古塔聳雷峰。翠巘青巖列數重。獨立南屏凝望久。空山
亭午不聞鐘。
芒屨布韞破蒼苔。一入名山眼便開。獨往獨來人不識。逢人
都道看山來。

夜泊湖州

白苔花老碧湖空。笑著蓑衣上釣篷。明月歸來何處宿。紅牆

彎°畔°小°橋°東°

道場山和朱甘孺比部方餽壁間韻

海嶽歸來萬里身襟痕留有舊緇塵好從絕頂一憑眺不作坡公以下人

登峴山

步出南門登峴首夕陽秋水渺瀰瀰堂經逸老荒階寂亭倚

窪尊亂石奇柳杜風流厓雅慕余懷詩柳惲風流社牧狂機雲離別動哀思臣衛

六兄諱書觀山塔寺今歸道山已八年矣何時裘帶襄陽去策馬重捫墮淚碑

莒上雜感四首

一年一度返莒溪杯酒荒瑩草色萋翁仲依然人易老青山留有舊時題

曠代材賢有幾人。況從譜牒數家珍。劇憐後起多無競。一過
豐碑一愴神。

無數胭脂點翠鬟。扁舟兩岸是青山。出城大有西湖景。容我
登臨十日閒。

錯認他鄉是故鄉。布帆何日整歸裝。石湖煙雨虎邱月。併作
離愁入夢長。

十二月初二日雪後泛碧浪湖

忍寒篷背立多時。貪看湖山雪後奇。隨處總成瓊玉界。漫勞
天上寄相思。

初三夜泊南潯憶故五姊

姊歸南潯沈氏卒年二十
有六詳見文稿中小傳

姊昔在深閨。一鐙勤鍼黹。我夜讀書歸。分鐙作書字。姊每向

余嘖。率然了無意。送姊出吳門。我方年十二。一路煙波長。歷在吟句遠。嫁別父母。鬱鬱病成瘵。老親念女深。解學命省視。姊時病不興。喜色見眉際。臘鼓催殘年。匆匆辭別去。冉冉淚承睚。呼余易歲至。鐙火鬧春宵。驚報鹽音遽。我方鼓鸛來。姊已騎鶴逝。撫棺一慟哭。送騎出郊寺。別去幾年中。靈幃一致祭。有甥已長成。亭亭森玉樹。相見不相識。問客來何自。夫婿已新婚。衍衍樂宴爾。人生如朝露。等是浮雲耳。感懷泉下人。悲情從中起。風雪泊孤舟。寒檠照無睡。

題陳蓮溪

照純

射棚思親圖

寒雲迷古塔。木落萬山秋。中有思親者。哀哀陳太邱。夢魂依墓舍。風雨泣松楸。同抱莪蒿痛。披圖涕泗流。

復郿吟稿卷四

歸安 張宗儒 翼臣

甲辰正月十九日大雪遊雨花臺

蕭蕭風雪裏立馬雨花臺城郭江山壯旗壁壘開
釀寒春更勁弔古客初來一掬新亭淚於今識此哀

二十三日謁方忠文祠觀血蹟碑爲建文靖難諸臣致

命處

燕師壓境莫橫戈軍火倉皇草乞和若使漢家陵勃在建文
得舊保山河不因成敗論人功第一功名是赤忠一片血花深入石千秋

猶作杜鵑紅。

訪明宮遺址

徒手成王業。英雄起布衣。竭來瞻舊禁。對此念遺徽。古屋荆榛鎖。寒畦黍麥肥。流泉鳴玉佩。想見早朝歸。

謁明太祖陵

多少南朝主。興亡土一坯。如何憑弔者。都向孝陵來。介士森華表。真人臥墓臺。歐船幾戰士。峰頂繪圖回。時有數西人來游

秦淮酒樓夜飲

舊時曾續板橋記。豔說秦淮畫舫遊。今夜一杯須痛飲。管絃銷盡別離愁。

欄外青溪溪外山。歌樓畫舫幾時閒。華燈明鏡光如畫。爭看

腰支鬪小蠻

二十四日遊莫愁湖登勝棋樓遠眺
繁華洗盡六朝秋。一片平湖一角樓。
煙柳雨絲春漠漠。風帆雲樹望悠悠。
照人金粉留芳蹟。著手棋枰幾勝籌。
堯禹且從憂患住。何堪青史說無愁。

二十六日阻風泊金陵下關散步江干登樓小飲
客心何所止。把臂上江樓。
春漲拍天起。青山隔岸浮。
引杯同渴曠。倚檻看沙鷗。
對此蒼茫者。高歌且破愁。

二十七日泊舟燕子磯守風四日不進作此遣悶
東風三五日。大江水西瀉。
濁浪連天來。萬騎若奔馬。
漂搖一孤篷。日泊危磯下。
欲前不得前。憂心愁終夜。
安得雙飛翼。不

藉雲車。假任彼罡風。吹霄漢。常灑灑。
峩峩燕子磯。登高覽四方。峭石森立砥柱中流。長江三
千里。善鬪奪其吭。在昔粵寇起。逆骸彌天。張水師。振殊烈。緬
彼彭與楊。北道草鞋夾。南從朱雀。杭江心。夜鏖戰。奪得燕子
岡。再克九洲底。定東南。疆至今。過舊壘。雲氣無晶光。斯人
不可見。使我心徬徨。

遊巖山三台洞

平原輿衍區。山川罕奇形。縱橫傍四瀆。元氣鍾秀靈。大江南
北岸。連山無斷陁。巖山十二峯。望之如圍屏。洪濤洶激射。透
漏極瓏玲。崖空洞無數。石級穿巖扃。洞中有道士。其年可百
齡。白鬚下垂腹。朱顏毫返嬰。我欲問至道。從之借丹經。長生

豈不樂孤修人自醒。願爲滄海龍。扶搖凌天庭。騰身致雲雨。
草木常青青。浩然塞天地。豁然明日星。笑彼巖栖者。孤鴻弋冥冥。

二月初六日遊惠山

渡江三百里。到此一峰青。活水龍頭注。間雲馬背停。陽冰遺
斷碣。團月煮新餚。何處堪憑弔。叢祠春草廂。

三月二十二日莒上得吳中家書知周季貺先生於二
十日歸道山年七十三嗚呼遇不足以展其才名不足
以副其學感懷知已吟成淒哽

問字無風雨。忘年交最親。而今天地內。不復有斯人。渺矣千
秋業。悲哉百歲身。已翁留絕筆。感我淚沾巾。

四月八日章季釐祖傳姪威如傳鴻三人同渡南海十二

日香港道中口占時朱古徵侍郎督學嶺南見招

漫說華嚴周法界南來何處不銷魂夕陽海水茫茫綠一路
看山到虎門

光霽堂夜坐

堂在廣東學署之喻園有九曜石藥洲諸勝

林罅露微月溪堂生薄寒一庭蟲語碎五夜客愁攢佳卷如
山積孤鐙帶霧看細將落花數茵溷感無端

古意

烏鵲喈喈知棲依涼日一庭蝙蝠飛幽人推枕不能寐起看
河漢秋星稀高樓有女聲長吁望夫夜夜夫不歸笙歌激灩
錦簇圍羅襦襟解聞芳辭不知孤妾守空幃銅壺數斷燭滅

輝玉階。宵露寒。沾衣繞牀。三匝淚暗。揮幽思。抑鬱埋深閨。從古征夫蕩子。妻征夫萬里。去猶可。功成一旦。賜紫緋。蕩子一去不復返。黃金擲盡炊糜。廖

無聊

無聊賴。處覓笙歌。閱歷深時。感慨多。世路甚寬。知已少。歡場雖好。奈愁何。著成文格。淪中晚。龔定盦詩我論文章恕中晚略工感慨是名家覺後狂華廢。懺摩脫手黃金君莫惜。美人爲汝轉秋波。

東渡舟中口號

甲辰八月

中原象教寢陵夷。一葉東來道在茲。欲爲衆生宣佛性。達摩初祖是吾師。

橫濱道中

乘槎遠涉太平洋。莽莽秋心萬里長。宗國不生齊管仲。明朝披髮謁扶桑。

東京公園紀游四首

森林不見人。幽邃疑無路。跣足坐溪旁。不厭看紅樹。還登翠微巔。風帆出煙浦。何處一聲鐘。夕陽下山去。

芝公園

我遊日比谷。如在歐羅巴。清曠絕塵芥。高空噴雨華。虬髯來海客。蟬鬢駐香車。何以消憂思。開樽擘巨蝦。

日比谷公園

驅車至上野。山水美東都。紅葉藏幽寺。蒼葭黯遠湖。靈禽咸自在。妙寶集奇殊。豈止園林好。斯民樂與俱。

上野公園

客裏逢佳節。名園衆所趨。林崩獅子吼。海立鱷魚飛。景物新年樂。繁華故國違。試登高閣望。心逐白雲歸。

淺草公園

聽淺田春子與文枝二女士鼓琴遲同學蔡君不至
中原。亡雅樂遺響。入東瀛。爲我一揮手。令人萬慮清。平沙驚
雁落。滄海起龍鳴。不有中郎在。秋桐負此聲。

十二月十五日夜遊日比谷公園復入櫻田門過二重

橋瞻楠公正成遺像

等。是。中。天。月。今。成。海。外。看。踏。來。霜。草。涇。照。徹。禁。林。寒。溝。水。鳴。
寒瀨。流星走彈丸。甲裳風颯颯。遺像見忠肝。

除夕家燕南

元節

招飲使署之聽濤挹翠樓偶賦

銀燭高燒敞畫筵。龍旗風掣凍雲天。開顏酌。千杯醉回首。
家山萬里懸。卻喜牛腰添纂述。敢忘蝸角擾烽煙。遙知今夜
小兒女。定著新衣學拜年。

乙巳正月十五夜橫濱送別微塵山地二君赴上海
萬里若比鄰。天涯送故人。舉頭今夜月。回首故園春。塞北風
塵黯。江南草木新。離筵一樽酒。鄉思觸頻頻。

三月十一夜散步江戶川岸兩岸櫻花亂發月色溶溶
中流無數小舟遊人自執篙槳蕩漾花香月影中風景
佳絕

溪光月色夜迢迢。月照櫻花分外嬌。玉女不知纖手冷。爭拏
雙槳弄春潮。

四月十一日遊向島百花園園主索題爲賦一絕
劇憐花事隨春去。此度清遊未是遲。笑我更拈翻案語。綠陰
幽草勝花時。

哭龔劍芝妹壻

名清棠吳縣附生

敏齋叔於中法之戰從軍臺灣疫死繼室葛孺人生女宗秀字兄守節垂二十年
喪秀妹孤苦難爲節帥之孫而髮殯常不意成婚期月遽作孤嫠哭妹婿者亦所以
悲妹也 叔諱圻附貢生著有萍庵詩草續刻兩浙輶軒錄中曾采入之

自我出國門。恨君音信稀。一朝得君訃。使我心魂飛。哀哉吾
弱妹。年少守空幃。紅顏命多薄。古諺未可非。一歲父從征。萬
里去不歸。有母能守節。清風家式微。不聞呱呱啼。但聽手中
機。易錢度朝食。秋霜上髮絲。方期得佳壻。垂老旨甘資。不謂
女兒嫁。墓已宿草肥。新郎儒雅士。秀弱不勝衣。翕然兩姓合。
如鼓琴瑟徽。清才固可嘉。痲痺難醫治。洞口煙霞春。壺中歲
月移。人生非金石。那堪雙斧施。病榻一鐙昏。怛然與世辭。白
髮與青春。相對兩歔歔。君有母

客窗偶感

風雨淒其旅館春。擁書兀坐正傷神。東鄰簫管西鄰哭。惱我中間客裏人。

六月朔神戶舟中聽鄭讓于垂談安南邊事

二三滄海客把臂話邊陰。瘴雨昏難曉。安南至今以猶蠻花春正深。汽車兩旁龍城空扼守。銅柱不堪尋。千古築荒策荒疏。直至今。我園數千來所以開邊之道不外欲得一朝貢之虛名而竟不知殖民政策故終敗也

七月二十日侍杭外舅遊留園

秋炎鑠金石。一雨淨敲塵。白穀涼猶被。青山別更親。得間求息壤。相見話勞薪。爲愛蓮花好。如來願後身。

余將返東京李君思棟將赴餘杭任所猶子鈞將赴京口

差次蘇臺集合。又將各有遠行。因招讌金園。即席賦贈。
者。番。暫。別。不。須。嗟。萬。里。長。風。送。海。槎。相。約。明。年。消。夏。裏。與。君。
湖。上。壽。荷。花。

頻年勞我學難殖。朞月頌君政有成。四海風塵幾知己。抱琴
相與話平生。不堪著手理蛛絲。遞作人間杜牧之。爲問年來差樂處。青衫
合有酒痕知。綺筵離合本無因。三疊陽關酒數巡。別有阿蒙心事在銷魂。
豈爲倚樓人。

中秋日湖船招費隱廬

廷璜

李華樓

思棣

二君遊虎邱復

過李文忠祠口占二律

登船出郭即名山。肯放中秋一日間。萍約劍池秋水綠。樹迷古塔夕陽殷。舊遊端合賽前稿。佳節應教開醉顏。爭奈今宵明月好。與誰亭畔話禪關。

丞相祠堂何處尋。虎邱亭館鬱森森。干戈戡亂思遺壘。玉帛聯盟見苦心。尙待千秋憑論定。不堪我輩付行吟。神旗羽葆歸來否。贏得歌船滿碧潯。

感懷二首留一

如此華年逝水過。堂堂白日浪銷磨。未容朱閣參朝議。且向青山恣嘯歌。塞北烽煙騰戰馬。海陬潮汐鼓靈鼉。

被災傷民無算坐看萬姓顛連甚。爲是鰥生涕淚多。

初三夜大風江蘇近海四州縣

夜臥不寐感賦二首

匣劍孤鳴夜有聲。獨欹短枕數深更。非因離思牽清夢。銅柱何年鑄造成。
秋風獵獵夜窗呼。不用名場歎數奇。願得秦涼州一邑。驕人道是大單于。

第三次東渡舟中口號

孔子乘桴志未酬。笑余三度下瀛洲。願分一脈靈源水。灌破人間渾沌秋。

寒夜

孤燈照人面。無色布衾多。年僵似鐵。何處吹簫裂帛聲。起看滿地霜華白。

夜靜

夜靜羣動息。但聞溪流響。溪流有高入。兀坐結冥想。開門看涼月。林煙渺墟莽。頓覺方寸間。豁然天地朗。

紅葉

年年壓綫爲題紅。欲訴幽思寄漢宮。溝水無情流不去。教人那不怨秋風。

玉露凋零萬木殘。春風桃李忍回看。冬心賴有江楓在。贏得紅顏照歲寒。

十一月二十三日旅行至小田宿寶石樓

闌干盡處即滄溟。徹夜風濤怒有聲。撩我雄心眠不得。背人起坐聽潮生。

二十五日遊箱根底倉山宿涵琴樓雪後夜起看月

睡起山樓窮遠目。高寒身在太虛空。一天殘月千崖雪。萬壑驚濤五夜風。應有潛龍騰淵底。不聞山鬼嘯林叢。此心此境清如許。呼吸能教帝謂通。

二十九日到熱海

孤嶼大洋邊。人間別有天。避寒來熱海。卻病浴溫泉。屋瓦風常撼。池湯水自煎。客窗成即興。好寫雁皮箋。

雁皮箋爲熱海出產

熱海有茂木梅園白梅初花往遊之

不堪風雪客天涯。尋得桃源度歲華。浴罷溫泉無別事。亂峰深處訪梅花。



光緒三十四年三月三日

王君察先生贈送